

Concurso de relatos y poemas en aragonés ribagorzano

CONDAU DE RIBAGORZA

Ayuntamientos de Estadilla, Fonz y Graus

Cuchilladas

Celia Naval Naval

Edición 2014

Accésit poema

CORRUPCIÓN

El cielo se torna royo
y tremolan los picachos,
la tierra quema en los peus,
bulle l'aigua en los pantanos.
Vadeán , per l'aigua turbia
veigo a corderos y mansos,
algunos beben a morro,
otros debantan las manos.
Nacen rabosas y cuervos
que mos esfurrian los gatos.
De tanta pudó y mosquera
se rechira l'estómago.
No queda madero drecho,
ni tellas, ni chuminera.
No ñay ventanas ni puertas,
solo ñay foraus y enruena.
¡Prou de tanta sangonera
y de tanto mamarracho!.
O s'en van toz d'estampida
o acabaran a estacazos.

Concurso de relatos y poemas en aragonés ribagorzano

CONDAU DE RIBAGORZA

Ayuntamientos de Estadilla, Fonz y Graus

MALA CONCIENCIA

¿Per qué t'en vas?

¿Per qué fuïes?

¿Que é lo que t'espanta tanto?

¿Per qué escapas como un lloco

a ciegas, pegan bandazos?.

Marchan así, d'esbandida,

pué que rodes per l'espuenda

y eschelagas y barzals

per to'l cuerpo y per to'l alma

te atravesen de puñals.

¿De qué te sirven los ojos

si no veis ni los basals

que te vas troban al paso?

A más d'esquicha-te tu

mos esquichas a nusatros.

PELEA

No sé que t'os ha pasau

que ez llegau hasta las manos.

¿Que é que t'os ha desquiciau

pa descontrola-t'os tanto?.

Los dos ez perdiu la guerra.

S'ha sucarrimau el lazo

que t'os teniba enganhaus,

apretaus, en un abrazo.

Concurso de relatos y poemas en aragonés ribagorzano

CONDAU DE RIBAGORZA

Ayuntamientos de Estadilla, Fonz y Graus

DESENGAÑO

Enchervelida, sola,
con la simiente en fiemo,
caminan per la boira,
con los ojos vacíos
y las orellas sordas.

Con la sangre cuajada
en la carne de vidrio,
embafada de vida,
con el alma chelada,
sola, la troba el día.

Mestizaje de llenguas,
de tierras y de patrias,
de sol y de rosadas
de besos y de pllosos
y de aguas rechiradas.

Per engardaixo ciego,
en tiesto equivocau,
ñai rosa malmetida.

Al chunta-se con otros,
le crecen las espinas.

Afogada y muixada
solo dixá que veigan
charcos de palangana.

Concurso de relatos y poemas en aragonés ribagorzano

CONDAU DE RIBAGORZA

Ayuntamientos de Estadilla, Fonz y Graus

Va perfuman el fiemo

y se le ixuga l'alma.

Las manos en las pochás,

en d'on ya solo lleva

agrió, frío y desprecio,

sin anillos ni duelos.

Y miedo...mucho miedo.